

秋
佳
軒
詩
餘

秋佳軒詩餘卷十

金陵易震吉月槎著

濮水南洙源岸覺點

浣溪沙

避暑山中大雨

萍沼將無熱殺鶯。峯雲一角弄滂沱。披襟恰好
把頭科。○水口噴來魚勢急。籬根洗出筍芽多。
晚天虹映濕漁蓑。

春日獨坐

搓就鶯黃嫩柳絲。春風剛到放花時。草堂客去
罷琴棋。○酌李謫仙邀月酒。和陶元亮勸農詩。
主人一月幾回嘻。

對花命酌

白酒紅花攪欲渾。持杯浪擬和花吞。亂香風暖
撲柴門。○一病恰蘓昨夜雨。百年甘老獨家村。
故人相對笑言溫。

舟中

舉目無非鷗鷺親。長江雪霽水精神。小舟今日
載詩人。○荻港內藏魚市晚。烟汀前唱棹歌新。
離家不覺又經旬。

其二

花月春來富楚江。行人江裏遠南邦。臨江孤館
市春缸。○小艇撐將漁父獨。暖風吹送燕兒雙。
看山開着畫船窻。

偶成

門冷苔深雀可羅。清池急雨戰新荷。草腥潛伏
鷺鷥窩。○朱註也教兒輩讀柳詞。應付女郎歌。
肯從人世作風波。

清明郊行

壺榼提携祭掃行。山橋騎馬午風輕。百年能有
幾清明。○桃李不言非不笑。春天時雨又時晴。
黃鸝還叫雨三聲。

詠白牡丹

富貴春開富貴花。姚黃魏紫鬬紛華。錦香風煖
度窻紗。○別有玉杯承曉露。細看中外絕纖瑕。
蟾光明似夜來些。

無題

樓外酸聲隻鴈偏。霜風淒緊落長天。恰停雙足
小闌邊。○擲管細書惟恨字。暗拋珠淚點瑤箋。
與奴方便寄郎前。

過古林庵

一件袈裟老碧筠。筇扶病體到庵頻。朗公山谷
絕囂塵。○身臥圓樓孤傍月。手拈珠串喜陪人。
素瓷芳氣茗芽新。

其二

寂歷龕燈炤雨昏。空林居士晝關門。廚香野菜
煮和根。○瘦脰長閒懸梵屨。舊棉聊簡着寒禪。
雲深地僻古鐘存。

登山

盡日登臨未覺饑。松花抱雨壓松枝。春泥屐滑短筇支。○禮法豈緣吾輩設。俗人全仗此君醫。○
撚鬚又作看山詩。

嘆荒

芻牧何堪責有司。發棠終莫救齊饑。登臺老氏浪言熙。○無計遣蝗隨雪墮。最憐剝肉把瘡醫。○
瘠鷄遺犬數聲悲。

和友人韻

簾外東風利似錐。堪憐柳弱與花欹。思郎還恨
恨還思。○炬未就灰猶有淚。藕雖中絕得無絲。
天涯將叫子規時。

其二

小院疎簾獨自鉤。匡牀滑簟又含秋。幾回慵上
採蓮舟。○顧影越憐檠底瘦。修容難掩鏡中愁。
是誰縈繫在心頭。

其三

玉瘦香薦不奈愁。迴風細雨舞絲柔。一番春色似兼秋。○別後有書曾淒淚。懽時多事是含羞。雲帆終日盼江樓。

春日

午日烘園發衆花。春光偏鬧野人家。○尋巢雙燕趁風斜。○客至便謀隣婦笋。山行還喫野僧茶。草池蛙鼓數聲過。

春曉

宿酒初醒試茗芽。踏青雙屐尚粘花。憶昨曾倒
接羅耶。○曉萼堆紅招戲蝶。春池釀綠養新蛙。
小腰帘底奏琵琶。

春雨

入夜隨風不自絲。絲絲繡出百花稠。曉看山色
竭雙眸。○漫水野萍疑就鴨。傍人簷樹似粘鳩。
濕香低霧壓春愁。

和韻

情思新來一點無。幾番對局幾番輸。曉窗露竹
泣真珠。怪鵲噪聲空戲侮。見鴛鴦交頸獨踟蹰。
玉肌何事狎青奴。

雪

松徑清寒戶不開。雲黃瓦白暮鴉哀。擁衾僵臥
信高哉。中酒情偏濃似酒。詠梅詩亦瘦如梅。
連朝徒泥地爐灰。

舟夜

風拍船梢雪未乾。老筠零葉響前灘。夢魂難比
在家安。○薄酒攻愁賒夜醉。小梅索句破春寒。
短檠明滅二更殘。

送春

心裏何堪恨那人。那人可恨却如春。霎時擲去
不逡巡。○心裏何堪憶那人。那人可憶却如春。
軟風柔月幾時親。

杪秋客舍

鴈挾西風一陣飛。鳴蟬剛退夜蚊稀。羈人九月
尚絺衣。○每剔燈花徒吊影。便敲棋子亦忘機。
故園辜負蟹螯肥。

和韻

嬌蕊恣蜂細竊香。水邊風軟弄垂楊。簷暉晴映
下樓粧。○飛絮每嫌沾曉髻。游絲漫擬繫春光。
滿庭芳草又斜陽。

玉樹後庭花

春盡

留春渾是癡兒計。長繩難繫。可惜梨花堆滿砌。
雨來門閉。○幾番惆悵平生契。風時月際。香醞
且從鄰舍貰。豈容愁滯。

其二

東風欲把花誰妻。江頭遠遞。天氣入春疑有例。
多陰少霽。○前途諸事渾如謎。要猜無計。新景

又將殘景繼。點溪荷翠。

草閣書事

江聲已共西風吼。古堤衰柳。草閣偶來同社友。
吟詩數首。○壁間橫寫龍蛇走。字幾如斗。沽酒
囊錢今沒有。怎酬佳手。

住山

山中草草容身屋。閒來坦腹。若到山中還不足。
此人真俗。○兒童爭上牀頭木。棗梨成熟。仰視

皇天白日速。酣歌一曲。

旅懷

菊松儘可爲佳友。栽經余手。別了家園三徑久。
未知存否。○堂前還有些楊柳。青青雨後。溽暑
之時。醉如酒。曾開北牖。

秋夕

餐英便可忘余餓。西風來大。識盡人情高處臥。
孤吟誰和。○半汀碧水將秋做。浮鷗箇箇。山下

偶逢樵子過。野雲肩荷。

某上人房

偶看老樹知公臘。青峯白塔。此處果堪安一衲。
斜支竹榻。○寒波千里。蟾光發。宛燒銀蠟。心地
坐來。渾不雜。可無頭髮。

贈祝

煙霞已占多多許。離城十里。玉樹瑤林何處起。
盤根仙李。○大都積善恒如此。有加無已。再把

彩香車言集
一杯來祝爾。長生久視。

溪上

小溪一路春風快。許多石塊。何故見他忙下拜。
奇奇怪怪。○松楸並守無時壞。雲姿煙態。石亦
因人增氣槩。米顛如在。

九日雨花臺

江楓霜打胭脂落。幾番風掠。佩起茱囊殊不惡。
籃輿出郭。○佳懷且對斜暉樂。三杯兩杓。誰道

商音今寂寞。依然林薄。

松下

崢嶸老氣冰霜候。一松依舊。居士扶來。藜杖瘦。
細看鱗皴。○世情不用深窮究。雲翻雨覆。磊隗
若能澆灌透。千鍾之後。

旅夜

梅花落處疑殘雪。疎枝古拙。留掛蟾光。窗外白。
莫教風折。○窻間客展家書閱。燈殘影子。布被

在牀寒似鐵。鴻聲不絕。

西江月

長干春遊

人散春歸晚市。月明風動柔莎。吟魂醉夢繡鞍
馱。一路花陰送我。○酒肆猶聞調笑。柳衢不斷
笙歌。千金片刻莫空過。明日重遊斯可。

喫鮓

製就老鱸江味。休誇鮮鯽銀絲。朝盤紅薦愛凝

脂合向桐城醉死。○丙穴縱肥無是萼。羨着想
何爲。麻油香貯小瓶窰。膩鼎羶杯可耻。

秋夕

鴈陣已過霞脚。漁歌突起波心。一鉤新月破秋
陰。與客竹樓閒飲。○寒近村中織布。風清檣底
聞砧。南柯無路可追尋。夜半落梧驚枕。

水宿

柳臥野橋妨騎。鷗乘春水迎槎。瓦杯斟酒似漁

家江店買來鱸鮓。○住舵休鄰怪石挑燈最惜
輕花潮歸月白見平沙何處初更又打。

送春

絮舞鶯將口吃花飛蝶始眠醒。餞春須早到山
亭。沒有東風來請。○混過都因愁病攀留難致
丁寧。去如奔駛不休停。昨夜應將燭秉。

清明

曉巷兒童歡喜。晴林煙火鮮新。出門都是上墳

人嫩韭盤中雜笋。○好向杏村賒酒。還從桃塢
看春。大家簪柳醉佳辰。只恐柔枝折盡。

春日

春態柳依臺榭。霽容天在漣漪。草堂人靜一聲
棋。枝上黃鶯驚起。○塵世難逢笑口。半生空老
吟髭。酴花縱酒幾何時。驀地清明過矣。

道上有感

太守居爲漢將。北方曾憚宗爺。而今

總乖

香齋集

差鶴唳風聲。○可嘆戰餘新鬼。冤聲如哭。

無家遺黎三兩面。蒙沙口內空將罵。

河豚

酒氣春粘葛帽。花香暖沁羅禪。古來一死博河豚。醉闖壚頭笑問。○痛煮還兼荻笋。諸鮮盡屬兒孫。美人惆悵對芳樽也。妬西施乳嫩。勝名西施乳

漫興

竹種王猷空宅。梅偕靖幽居。兩君寄託在斯。

歟。可見胸懷本趣。○世事終須繇你。酒杯不肯醒。余縱無風雪也。騎驢且自高吟幾句。

笑筭

鄰婦携筐賣與。春尖風味偏饒。小盤初薦碎青瑤。未許俗人餐飽。○汁澹休投臍鼎。香清宜伴山瓢。王猷一見定魂銷。爲把新篁沒了。

小園

嫩蕊香迷戲蝶。垂藤影捕憨貓。小園只當一枝

巢。留住尋芳山轎。○石點南宮塊塊。筠圖與可
梢梢。柴門日落有人敲。爲說花枝妨帽。

山居

地占清華水木門。藏繚繞煙蘿。主人無事獨吟
哦。意外泉聲屬和。○別有些微退步。居然霧窟
雲窩。解衣脫帽任婆娑。便只蒼蒼十個。

九日

要認西風面目。須看滿地黃花。登山莫晒帽天

斜自古重陽風大。○佳味初嘗。○螃蟹小腰頻撥。○琵琶滿拚。○沉醉不歸家。○那問夕陽西下。

舟中

畫舫亭亭似屋。○東江撐去西江。○一從牛渚別吾邦。○神往匡廬天半。○水上數聲漁笛。○細聽不解何腔。○客懷無賴。○且臨窻。○山色前灣又換。

小屋

小小一間茅屋。○繇來結在高山。○月榭半間雲半

間靜裏相知不淺。○任爾無心飛出。教余獨坐
長閒。多情時出却時還。肯把門兒畫掩。

旅夜

水裏孤光一點。西江炤見東江。小樓今夜合開
窗。莫把暮雲空望。○俗狀恁般相勦。詩魔畢竟
難降。舉杯拚罄濁醪缸。醉和三更漁唱。

減字木蘭花

詠海棠

嬌情無已。畫檻春深。思想起。如面如眉。的是楊
家那女兒。○綵雲易散。此語令人三四嘆。好物
須憐。祈祝東風有萬千。

無題

窻兒外鐵。攪得我愁腸。兒絕鵲子也差。要把人
來哄殺耶。○他非無夢。夢向伊行終夜共。何日
歸來。門戶重重定不開。

夢句

春風夜送酒醒坐牀間選夢。一夢超常兩句新。
詩枕畔香。○曾將夢講。道是日間心上想。此句
佳哉。昨夕溪頭緩步來。

秋來

秋來如水。冷浸吾齋書幌裏。肺氣都蘓爲問窻。
前下雨無。○秋來如醉。楓葉紛飛苔上睡。酩酊
西風。柿棗山村面面紅。

折桂贈秋試友

月中栽著。肯待天香雲外落。拔取連根不放零。
枝剩葉存。○向君持贈。一路青雲行去順。若到
來春。浪湧龍門得意新。

詠茶蘼

梨花粧罷。糝粉亂拋庭院架。前此爭妍。只到于
今始告竣。○輕盈香馥。不許柳綿來潤目。春色
如流。把酒相看有近憂。

暑行

暑天途次。不苦不知行客味。村野人家。繞樹絲
瓜。上下花。○行行且止。樹底清風徐至矣。休更
遲疑。去拜淵明做個師。

送別

堤楊垂綠。白馬如雲飛疾足。膂力方剛。莫負懸
弧射四方。○重斟別酒。塵土西風惆悵久。富貴
遊都。天地生吾有意無。

贈祝

長頭短面。壽在壽星頭上見。翁是仙人。畢竟圖中畫未真。○休餐芝朮。久視長生寧用術。時醉時歌。不記流年度幾多。

其二

春秋高矣。赴馬追車強若此。地久天長。獨得人間却老方。○此方真妙。一月二十九日笑笑裏多情。頭戴花枝學後生。

其三

秋佳軒詩餘

綺筵今設。試把先生來歷說。曾倒霞觴。謫向人間作酒狂。○光陰寬限。萬斛風流揮灑便。舞鶴休停。汝舞余歌獻壽星。

其四

以多爲貴。福壽與夫兒子輩。有子無愁。翁子還如孫仲謀。○香山開社。滿座琴樽皆老者。秋月春花。從此歡娛百歲賒。

其五

老當益壯。顧盼據鞍。精力王矍鑠。吾君還比將。
軍勝十分。○葛裘相倚。兩件一身更換幾。心曠
神怡。不記人間有歲時。

其六

九還七返。只待丹成知太晚。一事成仙。醉裏風
情敵少年。○春花秋月。樂在其中無間歇。鏡奩
霞觴。玉樹瑤林媚草堂。

渡洞庭湖

輕航如葉。破浪乘風飛去捷。身入虛無。此是乾坤第一湖。○水天相答。八百修程秋颯颯。不用銷魂。直向詞人氣裏吞。

賣花聲

擔頭紅紫。蜂蝶相隨飛未已。巷陌經行。喚去青娥夢裏驚。○一般音調。不似流鶯枝上叫。忪起追尋。拖帶香風出錦衾。

鬪草

穿花度柳。葱翠黏堤勞素手。倦坐紅茵。簡點霞
綃袖裏春。○相酬相比。麤取金錢歡笑起。飄蕩
芳心。幾日窻前繡欵鉞。

九日簪菊

西風吹着黃點疎籬。秋寂寞。便學淵明。沒有千
鍾賞不成。○今過重九。折取佳英簪白首。君莫
嘻嘻。明日霜欺剩幾枝。

少年遊

無題

短劒雕鞍。征衫遠道。悄去不教知。爲怕人留。還
伊情薄。兩下裏猜疑。○少年走馬長楸陌。慙笑
任扳追。剪碎風流。無些着落。真帶幾分癡。

其二

桃臉慵粧。雲鬟倦理。微步出房櫳。闌草欄邊。圍
棋簾下。無處覓香風。○元來却轉鞦韆架。徑入
牡丹叢。半墜金釵。輕開紈扇。笑撲那遊蜂。

桃源憶故人

秋日

空城響落西風葉。園徑秋來頻涉。天外一行斜
墨。鴈字初來北。○霜蒹。偎砌蟲聲怯。涼沁小窻
衣篋。莫道菊邊無色。飛兩三黃蝶。

海棠春

紅葉

郊行衣薄新寒透。正日炤疎林如繡。赤葉颯於

花莫道秋容瘦。○御溝流水應依舊。憶彩筆題詩時候。幽怨寫慙懃。霜艷毫尖溜。

江上有懷

故人日跨京塵馬。悵別後知音殊寡。一葉晚浮予。風月江天灑。○黃花恰對悲秋者。這酒味雖酸猶把。岸柳尚依依。可惜新霜打。

雪消

納山水都清曠。明日裏杏花應放。沽酒若無

錢可解春衣當。○東風玉罽生微浪。不盡醉幽
懷不暢。而況夜深蟾守定花梢上。

秋佳軒詩餘卷十一

金陵易震吉月槎著

濮水南洙源岸覺點

長相思

春暮

酒杯中茗杯中。鎮日看花與客同。一番春興濃。
○菜花風。楝花風。二十四番三月終。香堦莫掃紅。

秋夜

風瀟瀟。雨瀟瀟。風雨經秋太寂寥。如何度此宵。
○吹芭蕉。打芭蕉。只要芭蕉葉盡凋。殘燈獨坐
挑。

嘆迷

腰帶黏鬢雪添。二者絲來不得兼。念頭須少恬。
○只趨炎。更貪甜。告爾前途險更嚴。蜀山點點
尖。

本調

長相思。看腰肢。拈起湘裙妾轉悲。怎拴裙帶兒。
○苦難支。步慵移。未必休文瘦若斯。休文爲賦
詩。

其二

長相思。看雙眉。蹙損遙山只爲伊。新來覽鏡遲。
○記前期。向書帷。畫就從伊問入時。伊將俊眼
窺。

其三

長相思。看香肌。頗怪風兒細細吹。密羅裁作衣。
○怕人知。怎生醫。雪減冰消異舊時。夜眠相伴
姨。

其四

長相思。看妖姿。斷粉殘脂鏡匣遺。施粧少稱宜。
○近秋期。倚空帷。滿月何堪驀地虧。嫦娥應也
悲。

其五

藕花紅。蓼花紅。夏去秋來景不同。窻鳴落葉風。
○魚難通。鴈難通。君在遼西妾在東。相逢借夢
中。

其六

曉窻開。午窻開。開到黃昏月色來。無心獨舉杯。
○蛩聲哀。鴈聲哀。哀得盈盈淚兩腮。空教侍婢
猜。

點絳脣

散步

散步山中。松風澗水聲相合。孤峯瘦削。刺入秋
雲脚。○峯底尋思。應構黃茅閣。高情託。共誰娛
樂。兩個隨身鶴。

秋佳軒

楓落花黃。佳哉秋色。茲軒滿。軒中人。嬾門外。將
迎罕。○野客如過。薄酒籬東欸。無拘管。三杯兩

殘醉倒斜陽晚。

澹靜草堂

澹靜名堂。狂呼呼起隆中叟。於吾何有。千載猶知某。○好動趨濃。旁觀慵開口。客嗟久。清風來。牖。瀟灑階前柳。

索笑檐

不笑非花。此花却占天然笑。傳神寫照。片月過時妙。○檐底徘徊。心事花知道。搜詩料。影香差。

肖人在孤山眺。

和韻

閣淨溪明。水芳亂發。蜻蜓醉露。荷微吹瀉。下真珠淚。○羅袂新裁。空使香熏費。長孤寐。幾時迴。○轡望裏遙山翠。

卽事

小榼登山。櫻甜笋稚。鱗魚膩。熟梅天氣。無限陰晴意。○有客論茶。俗子曾知未。君須記。神香色。

味。鑄底工夫遠。

秋日

白酒黃鷄。客來便款無虛敬。小池如鏡。數朶殘荷映。○一樣山風。輪到秋天勁。胡牀淨。慵揮玉柄。坐對青峰正。

一痕沙

閉門

几淨窻明如洗。却喜閉門無事。端硯試毫初寫。

行書○將近熟梅天氣合向東湖邊去碧水浸
紅蕖釣金魚。

到眼

到眼秋光都媚。路棗垂垂紅醉。淡翠點遙空。認
山容。○一路幾多行客。踏破平沙落葉。野老坐
溪東。剝蓮蓬。

可怪

可怪春來常雨。借問銷春幾許。新霽入郊墟。策

山驢。○逢着桃花一片。叮囑蝶兒留戀。明日恐
無餘夜風噓。

日午

日午小齋桐蔭。北牖安排一枕。高臥是何人。葛
天民。○起步絲瓜棚下。晚雨急來相打。溪水越
鮮新。長秋蘋。

客中

剛過立秋一日。愁思客中千縷。路柳未經霜帶。

些黃。○堪嘆光陰瞬息。斷續蟬音忽至。村婦趁
斜陽。洗衣裳。

入戶

入戶主人何向。筠菊都栽徑上。此處是王家。是
陶家。○菊綻筠邊却好。渾被西風吹倒。細看一
叢花。兩叢花。

九日

剛過昨朝初八。籬畔渾將金撒。不道老秋花。媚

山家。○白酒東鄰邀請紅葉滿庭詩景。山尚未
攀躋。醉如泥。

訪畫者值臥

此老居然米老。一幅模糊便了。筆墨倦來時。枕
頭欹。○不必將他驚却。這夢一猜應着。非是水
山間。卽雲煙。

前路

前路雲黃雪隕。驢把詩翁馱穩。逢着古梅花。一

枝斜。○梅與詩翁同瘦。翁詠梅詩不就佳句。或
相酬。小橋頭。

花間

歌聽鶯兒偏媚。舞看蝶兒如醉。鎮日坐花間。恁
偷閒。○有客招遊松塢。要禿村西苔路。筠杖和
棕鞋。久安排。

閒釣

閒釣碧波心灑。酣臥白雲情野。世事十分疎。愛

吾廬○塊石當窗奇怪。石上翠苔長在。雨後把筠移。十竿兒。

河間道上

村市初商麥價。人在日中騎馬。楊柳路傍家。賣王瓜。○沙雨塵風相送。甚處今宵做夢。古渡又斜陽。暮鴉忙。

野水

野水粘天無際。一片光浮竹嶼。秋落鏡中新。放

舟頻○碧樹涼雲遠岸。流下藕花香瓣。來往共
誰親。打魚人。

客行

樹密渾疑無路。况又加些春霧。野鳥隔林呼。客
行孤。○饋食兒童時過。知是曉耕人餓。暫憇擬
前途。有村無。

四月

畢竟清和四月。風景無分南北。麥事各村忙。野

葵香。○匹馬長途將夕。乍見榴花初赤。節候邇
端陽。尚他鄉。

九日清涼山

頭上偶離冠子。人道孟嘉來矣。拄杖破蒼苔。去
登臺。○臺上登登還望。天外長流相向。一淨練
光同。捲西風。

生查子

春

新出小鶯兒。嫋嫋嬌音至。安得下枝來。縛住他
雙翅。○曉起試羅衣。走向花間戲。簪得木香枝。
裙惹薔薇刺。

夏

戴上石榴花。自愛晨粧靚。纖手剝新菱。紅白交
相映。○風揭小樓簾。水面晴開鏡。貪看畫船人。
不識人兒姓。

秋

纔看七夕星。又拜中秋月。枕畔木樨香。簾外芭蕉折。○繡榻翠屏遮。端爲西風設。淡岫妬雙娥。橫在牆頭缺。

冬

翠被錦茵窩。永夜深相款。傍午未梳頭。習就爐邊嬾。○白雪引新詩。小口呵尖管。是處酒樓懽。偎倚生春煖。

無題

妾身灼灼花。不嫁花間蝶。燒燭炤花心。蝶與花
溫熱。○花忒逞風流。蝶亦愁離別。誓不到花間。
好事花羸妾。

其二

銀燈賸有情。做出和人影。抱影背燈眠。淚濕心
尤耿。○生怕暗風吹。影共燈俱泯。喚婢去重挑。
婢夢何曾醒。

其三

無言立翠苔。露浸鞋兒透。皓魄又團圓。薄倖人
依舊。○從未似今番。裙褪腰肢瘦。懶向繡帷前。
獨自鬆衣扣。

其四

風度紙窓櫺。故弄燈明晦。窓外小蛩聲。鑽入心
兒內。○纖手頓無情。揉得花鈿碎。暗想兩鴛鴦。
此際成佳配。

好事近

九月一日

八日後重陽。從此黃花盛矣。頭上西風吹驟。整
年時巾子。○斯巾將落甚山巔。勝事須先理。最
好杪秋天氣。喜今朝伊始。

九日

獨立詠蒼茫。斜日一江闌。似戀林梢不舍把。
餘光遙度。○醉人酣臥兩顚紅。橫在龍山路。山
下金英如許。是清霜宵鑄。

寺遊

雲氣泛高天。長受一峰孤刺。瘦脰老僧直上。住
峰巔破寺。○應知吐納莫非雲。却取人之棄不
厭先生頻訪道。與伊同志。

鶯

鶯語澀來時。可惜嬌情未展。爲想嘴兒猶嫩。待
紅英深染。○陌頭楊柳乍青青。欠妖黃一點。莫
是遷延谷口。把喬枝精選。

燕

燕語住來時。好个餘音拖帶。玉女正裁春服。見
剪兒爭愛。雙雙只把壘經營。花底尋泥耐試。
看飛來飛去。宛趙家姿態。

蜂

采采向花間。两个鬚兒香透。風雨一番迴避也。
似嫌紅瘦。經春理釀各匆忙。總趁花時候。不
道伊行恁取。致酒人翻後。

蝶

戲罷臥紅香。曉露濕衣驚醒。尚在蕊間相抱。似
渾忘朝暝。○快哉千古一莊周。曾向東窓枕肯
把夢兒分做。過漆園耑懇。

蛙

羣鼓鬧無端。只把池塘草聒。侵曉纔過一雨水。
碧如油潑。○游魚軟尾漫浮來。忽被聲驚却堪
笑。水邊曳足。將浮萍負着。

蟬

蟬別故枝時。携得殘聲飛去。誰遣涼風一陣。巧與伊相御。○古槐深巷午陰陰。雙翼渾高據。至若寒蟬之屬。只在旁低語。

螢

一點燄隨身。安在前爲腐草。要惹輕羅小扇。忽闖人懷抱。○今宵月黑轉分明。怪涼風如掃。爾欲長生久視。避書生方好。

蚤

泣露作酸聲。嬾婦旁邊怕爾。還解欺他久客。傍
枕頭如此。○算來居壁始炎天。到重陽休矣。連
夜將聲細聽。溷擣衣聲裏。

北途

白雪間黃沙。一路棗根寒徹。回首南雲何處。嘆
平生爲客。○錦囊詩在酒錢無。覩村釭思竊不
是當年吏部。恐此行還拙。

古渡

古渡悄無人。低柳藏舟煙積。釣叟於中酣臥。忽
翔鱗豎脊。○柴門誰氏俯河流。一水涵秋碧。杖
屨無妨徑造。醉主翁今夕。

清明

桃李媚佳晨。粧點無妨脂粉。遊女出門時候。把
陰晴猶審。○隣娃相約恁匆匆。未向娘行稟。何
事歸來頭上。插花枝如錦。

無題

孤月巧窺人。淚滴小窓杯內。留待君來特進。教
細嘗滋味。○楚腰羞見影如柴。忙把銀檠背明。
日梳頭力怯。況今宵無寐。

凍硯

凍硯手親磨。端爲梅花詩就。不道枯腸搜出。這
句如花瘦。○病驢今日走山橋。料吟翁眉皺。何
計約他來此。試舉杯窮究。

過田間

隴麥屆秋期。浪裏鷺肩如雪。一片野情無寄。向
農人深結。○來時遇雨小山間。將紗巾角折。有
客疑爲漉酒。道區區彭澤。

九日

破帽縱依頭。尚有西風吹着。將值山下時候。看
遊人醉脚。○有無佳句贈黃花。不醉尤蕭索。一
醉一吟都耍。便酣眠籬落。

其二

山到夕陽時。似被菊觴薰醉。翻晒登臨佳話。只
孟嘉一位。○霜前黃薦小園橙。況盤兼螯味。今
日山頭買酒。再休論錢費。

題畫

水際亂楊花。飛落鷺身無影。人在小舟閒看喫。
幾甌新茗。○賣魚人隔柳堤呼。恰烟遮漁艇也。
擬移舟相就。怕撐開青荇。

春盡

拾取幾榆錢。要買春光聊住。只怕柳花催送春
亦尋歸路。○背巖殘萼兩三枝。那東風猶怒醉
臥晚烟苔上。聽鶯聲如訴。

卽事

明月莫過樓。留取花陰團砌。今日踏青歸晚。着
羅衣風細。○酒腸不似去年寬。暗裏愁腸替。借
問此愁端的是。駐春無計。

烏夜啼

卽事

雪花三月飛些。冷窗紗。只爲春深畱着伴梨花。
○臨曲几。閒作鬪。是新茶。更把瓦盆添水養蒲
芽。

春日睡起

山蜂亂入窓櫺。鬧花餅。不道竹床高卧有人聽。
○終日醉。偏柳眼。向春醒。似看晚風細舞小池。

萍。

閒適

塵中紛冗相仍。亂奔騰。自笑吾衰甚矣。一無能。
○風月下。花柳外。兩三朋。但詠佳詩。便摘野蕉
○膳。

酒家

懽歌偏有工夫。酒家胡。若是相逢不飲。豈吾徒。
○甚日裏。重到此。一千壺。想見滿身花影。倩人

扶。

秋巖

秋巖直上千層氣稜稜。下見烟中一笠是歸僧。
○蟾未吐。霜已布。宿鴉興。知是疎林遙映讀書
燈。

醉歸

接羅倒着腮紅笑。兒童多謝蹇驢馱我返村中。
○還默算。明日飲。過隣東。又見水邊新月一鉤。

工。

無題

日來多病思君望江雲。便擬書裁一紙欲何云。
○腰莫看寬一半。舊時裙待得何時相共酒杯
醺。

春日

好花忽到開時。一枝枝放出春光飛去惹遊絲。
○鞋與杖。山閣上。莫教遲。還有黃鸝相勸醉金

尾。

旅況

旅人秋盡衣單。倚闌干。可惜西風籬菊半吹乾。
○無个事。看鴈字。度峰巒。又聽松聲時作雨聲。
寒。

無題

去時只恁匆匆。策花驄。不問雲山天外歷重重。
○今日裏。人在此。憶相逢。須記繡時相對唾紅。

茸。

小窻

小窻秋氣飛來。可悲哉。一夜窻前紅葉竟成堆。
○菊與竹黃且綠。引尊罍也。學杜陵扶病去登臺。

相逢

相逢只有尊罍。管絃催不道蜂兒也逐酒香來。
○頻起早。無別好看花開已教十年清夢隔塵

埃。

旅行

誰云居不如游。且休休。又見黃花一簇路傍秋。
○須一醉。還一睡。酒家樓。肯道督郵滋味讓青
州。

雲泉

雲泉勸我抽身。避風塵。況復園收芋栗未全貧。
○長閉戶。無客顧。種梅頻。只爲此花純是雪精

神。

門前

門前流水浮花。帶晴沙。試看垂楊烟裏半藏鴉。
○微雨後。新竹茂。笋還芽。似覺春風長在野人
家。

草廬

草廬結在孤村。老梅存。一座亭開全藉竹爲門。
○佳客至。真樂事。酒盈尊。驀地春光垂盡長桐。

孫。

草堂

草堂留我清談復歌酣。最愛杯拈濃碧。擘黃柑。
○春未到。花已放。樹枝南。料想東風將驟。柳邊
驂。

杜鵑

杜鵑口裏云誰不如歸。未解勸春歸去。勸人歸。
○春欲去。何必勸。落紅飛。還是勸人歸。莫後春。

歸。

本調

驚聞百里霜聲。汝還啼。莫是寒枝揀盡不曾栖。
○蛩未斷。聲忽亂。更風淒。何處畱人歌舞月華
低。

嘗思

嘗思疎放形骸。沒安排。惟有十千兌得酒來埋。
○千載上。一曼倩。好詼諧。難道伊行不與我爲

儕。

無題

多時罷粉拋朱。鏡模糊。便教玉環應損。向人酥。
○雖你恨。還你念。你知乎。猶記畫眉偏喜着工
夫。

其二

空悲良夜常徂。好音疎。不似芭蕉猶裏一緘書。
○羞對鏡。慵理鬢。倩人梳。再等紅衣落盡鴈飛。

初。

應天長

秋景

遙看瘦嶺塗紅葉。秋趣牽人成遠涉。黃蝴蝶飛
相接。愁入西風雙翅怯。○釣舟隨去楫。夾岸蘆
聲獵獵。又見晚霞天色。亂鴉投古堞。

其二

霜花生得如錢小。亂擲疎籬黃遍了。孤雲杳長。

天浩一線江流明樹杪。○侯蟲哀腐草似怨此
秋衰老。逢着雨三村媼。携筐尋剩棗。

雪

六花窗外偏豪橫。其意欲添梅瘦勁。寒光映書
齋淨。有酒頻斟何必聖。○高松矜骨性獨鶴步
趨如敬。屐齒喚余清詠着。來山下徑。

清明前一日

青銅三百休嫌少。博得手中杯便好。花開了鶯

猶小愁緒東風加力掃。○清明來日到楊柳梢。
頭春飽。準擬山巔醉倒。和烟眠碧草。

春遊

花光十里飛紅紫。若論艷陽觀止矣。村童指遊
人喜。布韞青鞋從此始。○佳哉山與水。一詠一
觴而已。那管歲華如駛。人生行樂耳。

其二

意行不覺高低路。總是尋春山下步。東風怒濃

陰布恐把桃花時候悞。○呼船楊柳渡。驚起成羣鷗鷺。一箇飛迴相顧。得無相識素。

柳枝

和韻

林鶯弄舌調頻添。倚香奩。無邊愁緒寸腸黏。看眉尖。○夢裏空教嘗會面。何時見。憶他親手捲珠簾。玉纖纖。

其二

楚腰瘦矣。瘦仍添。嬾開奩。芳園小徑。落紅黏。試
鞋尖。○雙燕飛來。親覲面。羞相見。避歸繡戶。掩
疎簾。雨纖纖。

畫堂春

小春

小春風日。故依微。塞鴻霜後驚飛。誰教短晝。促
斜暉。冷了簾幃。○貧士無錢備炭。老妻織布裁
衣。園梅未放。已光輝。不待霏霏。

霜天曉角

曉發

烏啼月沒。一路霜風肅。聽得板橋人過。枕上夢。
車中續。○寒沙驅馬足。荒鷄鳴隔竹。試看疎煙
遙度。流水外。村春熟。

秋泛

盪開輕槳。舟上人三兩。夾岸芙蓉初艷。風色靜。
波如掌。○乾坤容我放。漁歌還和唱。爛醉不須

歸去蘆葦畔。眠秋藥。

旅況

花開花落。風景年年若。一夕故園心繫。看兩鬢。
何如昨。○孤蟾邀晚酌。行厨常寂寞。怕過五更。
時候。歸去夢。驚檐雀。

春日

杏花開着。巧燕穿簾幕。搖曳東風無定。楊柳外。
鞦韆索。○游絲牽樹弱。霽煙浮水薄。望裏千山。

流翠快展齒。隨雙脚。

七夕

兩星相覲。此夕云過七。父母不知誰个。倩鵲子。
成家室。○一年佳會。一風情。知暫悉。夢到五更。
含淚。橋脊上。雙雙滴。

柳梢青

登高

把酒西風。秋之爲氣。豈不悲哉。駕起籃輿。憑將

竹杖。病裏登臺。○吾籬鋤却蒿萊。把野菊尋些
去栽。無樹不疎。是山皆出。且坐寒苔。

憶餘杭

宿公安

一自泛秋湖水上。忽與小春時候傍。蟲聲咽盡
菊花乾。夜雨宿公安。○布衾孤枕。新寒到。更漏
江城長短報。近床銀燭有何愁。流淚不曾休。

某上人房

寺靜烟寒山脚下。山內有人棲竹舍。幾聲鐘磬
隔窗聞。驚不散松雲。○江天白鳥飛將夕。殘照
猶明城樹碧。欲烹春茗助宵吟。瓶汲古泉深。

醉花陰

寺遊

午鐘驚起山雲意。偶到峰前寺。徑曲草烟迷。歸
去何從。老矣渾忘記。○入門夾道高松侍。滴下
沾衣翠。一塊石頭奇。隱在松間。有個僧人睡。

次韻

吳姬唱徹黃金樓。一簇花無主。紫燕故飛來似
與妖紅共作風前舞。○鳩兒幾度呼山雨。何事
翻言苦。數竿博微醺。倦倚朱闌。人靜春亭午。

本調

多情只有花前月。做弄清陰徹。遮掩那人兒。宛
轉潛身底。樣留紅雪。○高陽朋侶芳筵列。錦幄
寧須設。一盞正團香。宜舞宜歌。此夜休輕別。

中秋

嫦娥與我同瀟灑。似有因緣也。一歲止今宵。望
盡家家不放嫦娥暇。○清光一道。杯中瀉。白露
霑平野。剛半度秋天。桂落香飄。此景何如者。

元夕宴集

玉壺春。盞屠蘇瀉。絳蠟燒佳夜。綺席錦蓮圍坐。
愛尊前。有个吹簫者。○踏歌連袂。明蟾下。新曲
聞清雅。九市乍風和。吹破梅花。暗裏香隨馬。

卷簾

卷簾遙揖山來屋。山亦携青入。窄屋可容山。雙
膝區區。此內何拘束。○除山之外多塵俗。視聽
尊幽獨。微雨霎時過。載閱山容。一片渾如沐。

卽事

遶門新水迷人渡。只見鷗和鷺。楊柳五株兒去。
歲栽成。客道淵明樹。○西遊已。在江頭路。候送
春光暮。前此病三旬。臥聽黃鶯。可惜將春悞。

無題

虛幃寒氣侵人了。明月將人照。低語問嫦娥。汝亦孤眠。寒氣還多少。○嫦娥越吐清輝皎。無語應還笑。念我亦孤眠。相問何人。說甚因緣好。

春日

風光五畝花居半。風入花間亂。遊客定携尊。沽酒來遲。兩個嬌鶯喚。○今朝仔細將花看。明日應嗟嘆。絲管復紛紛。偷眼春容。人在垂楊畔。

元夕

良宵十五風光別。月檻星樓列。花市開新春。歌舞留人是處華燈設。○珊瑚鞭映琉璃色。簫鼓雕鞍側。鐵鎖五更疎。醉倒黃公肯負千金刻。

清明

養花天氣從來好。暮地清明到。陌上漫行行。沽酒人家遙望青旗小。○芳園桃李都開了。脂粉施粧巧。屐齒滑蒼苔。倩个山驢騎到花村早。

其二

江芹野笋盤中有。郊外看花柳。飲具併詩筒。僮僕擔頭也載風流走。○上墳兒女花簪首。都在山前後。烟火一時新。爭問當壚美酒盈缸否。

其三

花開今日桃兼李。粧得春如綺。閒掛杖端錢。到處堪留一醉吾休矣。○謝安自有東山妓。富貴其餘耳。試看紙灰飛。佳節難逢笑口頻須啓。

其四

年時此日愁風雨。南陌今朝霽。縞袂與青裙。頭
插楊枝。三五遊行女。○買花載酒尋芳侶。笑共
爐姬語。帘底不勝春。翠管銀箏。日暮還如許。

湖上

東湖水氣連來集。倚檻觀澄碧。一雨做微涼。入
望攢峰。積翠巖屏滴。○躁鱗突向萍間立。小艇
供漁適。不見采蓮人。渺渺歌聲。腸斷新秋夕。

旅夜

飛螢淺碧流紅小。客髯驚秋早。剪燭看吳鉤。可
歎沙場事業無人了。○月明鴻影前洲遶。水驛
存疎蓼。心事唾壺知。幾度悲歌湖海形容老。

舟夜

旅愁枕上裁詩遣。一棹鋪秋簟。古岸半楓林。永
夜蕭蕭葉落知深淺。○重茅幾座臨江店也。吠
柴門犬。作客欲何爲。叢菊家園連日黃生艷。

舟中

燕飛貼水風掀起。水浴秋霞紫。一葉指南雲旅。
食經年。却憶嘗杭米。○京塵已隔千餘里。幾度
回頭視。朋輩玉鐙鏘。霜滿冠巔。此際真勞矣。

其二

歸心漫逐層波起。舟引遙岑紫。伴我只長鬚。傍
晚爲炊。就水淘紅米。○浮家泛宅無鄰里。夜泊
將書視。檠影弔人孤。岸冷蛩啾。更又無情矣。

祝友

蠅頭蝸角都蠲起。眉宇同。君定學淵明。却
笑今人苦把腰求米。○三椽地。僻桑榆里。塵世
浮雲視。月夕共花朝。不醉無休。七十年來矣。

贈友

仙翁幾載耽疎放。賣藥江湖上。短髮不教梳。道
跡壺中斷絕塵寰想。○朱顏長駐。兒童相。紫火
金丹壯。畱我一宵談。細煮芹羹。山月尊前朗。

清江

清江一水粘天濶。酒客忻消渴。雨過斷橋東。駕起蘭舟。風逐含秋葛。○老漁貪睡濤聲作。不見驚他覺。翻笑柳汀鷗。羽白如銀。何事慙慙濯。

嘲俗

大都俗子推難去。將我胡床據。面目語言間。托出胸中全。與書無與。○新篁一簇如烟霧。翻惹渠嗔怒。意在肉爲餐。我豈屠門乞。把貧家恕。

韻客

眼中只望青鞋到。恰好相逢笑。風月最撩人。人肯追尋。矢口渾清妙。○元非喫茗燒香調。也不干樞要。屋後小山青。與爾登登。儘可舒長嘯。

雪後

古松雪後青青極。山客深相識。片石久依松。把殘孤看。耿介當風立。○太倉日糴今無粒。晚景林鴉集。褐服縱遮寒。約計隨身業。已經年十。

窻間

臨窻山色佳無似。半屬閒雲耳。窻內客眠醒。香鼎茶甌雲已埋。藤几○殘櫺那得紗和綺。因便雲來此。昨夜動西吹。滑簾難親也。要尋書紙。

江夜

夢回一鶴橫江冷。草閣看清影。依約四更時。蟾吐峰尖。光蘸澄波靜。○危欄尚俯千餘頃。天地虛無境。金井落疎桐。多少秋懷。此夜教人騁。

秋夕

斜陽歸鳥無疑路。直影過山去。驅犢老翁孤烟。
靄迷村。幾度徘徊顧。○非秋不見江天素。一磬
千峰暮。野色過危橋。蔓草平鋪。連着垂楊渡。

南唐浣溪沙

卽山花子亦名攤破浣溪沙又
名添字浣溪沙

春日

老屋經春長翠苔。閒將薜荔可身裁。一鳥不鳴
山更寂。碧桃開。○水勢欲浮溪樹去。花香暗約

酒人來。如此風光。醒兩目。果堪哀。

月中行

秦淮步月

長橋步出是淮河。流影湛金波。聽殘玉樹後庭歌。亡國恨如何。○仙查我欲乘風去。持柯亂斫桂婆娑。清光定比此時多。把酒向天呵。

女冠子

詠梅

雪消簷日芳占東風第一。自丰姿富貴元非偶。
無錢市粉脂。○影孤明月境。心厭俗人詩。開了
南枝後。北頭枝。

眼兒媚

泉邊

要愁那得有心腸。流水落花香。酒須論價。茗須
吹火。便取瓢嘗。○小溪侍立如長吉。終日爲渠
忙。支風借月。海枯天闕。裝飽斯囊。

醉太平

送春

春情儘癡。春光忍離。簷蛛遮莫牽絲。網飛來辦
兒。○問春所之。那春怎知。可憐花惱鶯疑。還須
赶上伊。

巫山一段雲

冬夜

饑鼠虧全夢。殘燈做半花。麗譙寒角鼓三撾。驚

鴈墮平沙。○爐擁松柴火。○甌香雪水茶。○起看梅
影弄橫斜。○月印小窓紗。

調笑令

桃葉渡

桃葉桃葉。○道是古來名妾。○臨流試啓窓紗。○街上
聲聲賣花。○花賣花賣。○春色將無摘壞。

春曉

春曉春曉。○翠被裏人聽鳥。○梨花瘦得如柴。○雨打

風吹甚乖。乖甚乖甚。無計將他來禁。

秋月

秋月秋月。月到秋天轉白。登樓不可無吟。其奈孤光慘心。心慘心慘。落葉又驚人膽。

銀燭

銀燭銀燭。映着杯中酒綠。憶曾帶笑吹他。今夜猶然做花。花做花做。瘦影人兒一個。

杜宇

杜宇杜宇。欹枕聲聲不已。道歸未見他歸。何若
山間去飛。飛去飛去。好向那人邊語。

夜雨

夜雨夜雨。滴破芭蕉。奚取曉來難覓秋光。弄粉
調脂。罷粧粧罷。罷雨道眉兒無畫。

底樣

底樣底樣。印在落花堤上。歸來略帶香泥。也要
依窻曬西。西曬西曬。俊手潛撈潛愛。

纖指

纖指纖指。低按秦箏聲起。若須君在傍聽。甚日
關山騎停。停騎停騎。試把別時回憶。

砧杵

砧杵砧杵。敲斷寸腸淒楚。黃花枝上霜留。解送
西園杪秋。秋杪秋杪。被底看看寒了。

蟋蟀

蟋蟀蟋蟀。你在寒莎隱着。可憐入夜聲聲。訴盡

窮秋苦情。情苦情苦。月又半吞不吐。

紅葉

紅葉紅葉。偷我胭脂染得。詩情別後生疎。一字
惟將恨書。書恨書恨。腰下綠羅裙褪。

淮上

淮上淮上。水鳥雙雙來向。堪憐一隻鴛鴦。獨立
荷邊雨涼。涼雨涼雨。那隻定尋別侶。

夢見

夢見夢見。教妾不勝留戀。繇來蝴蝶迷人。未必
相逢的。真真的。真的。此夢今宵還覓。

本調

調笑調笑。拍着手兒頻叫。旁人借問何爲。花入
東風滿枝。枝滿枝。滿喫盡蘭陵玉碗。

其二

調笑調笑。不笑不足爲道。奈何憂慮相催。一月
難逢。口開。開口開。開口。天地古今。烏有。

其三

調笑調笑。一笑又還一叫。寧須索向梅花。月借
村童鼓撾。撾鼓撾鼓。一鼓又還一舞。

如夢令

秋日

落木空山斜照。疎磬晚烟荒廟。滿地瘦黃花。暮
寫秋容酷肖。商調商調。有個燕兒孤叫。

道上

倦甚風埃行李得且住爲佳耳。行止若繇他。數
畝烟雲荒死。高矣高矣。說道孰爲夫子。

寓燕戲句

門外豆芽聲罷。隣婦嗔夫厮罵。僮僕倦炊煤。龜
手尖風刺怕。跨馬跨馬。蓋帽眼紗一掛。

春遊

風暖天桃紅醉。烟染垂楊綠媚。信步出郊坰。沙
上鴛鴦濃睡。堪對堪對。傾倒玉壺春味。

夢江南

本調

無個事。做夢了春宵。水淨花明村落店。江南夢裏恰魂銷。酒賣阿姬嬌。

其二

風夜陡。吹夢繞雲庵。細草繡堤微着雨。江南夢裏試遊驂。山色正堆藍。

其三

燈弄影。牽夢夢江南。櫻筍薦鮮。鱖味美。江南夢裏月逢三。紅透百花酣。

乾荷葉

卽事

長安月影沉沉。驛館三更靜。忽聽鐘音。擁寒衾。何人敲向野雲岑。一任幽棲性。

十六字令

無題

今日夜。燈花切莫看。無憑信。依舊倚闌干。

其二

靈鵲噪。唇脂著意加。將脂放。或恐似燈花。

眠去柳

眠去柳。將春徑自私。呼他覺。學那小鶯兒。

其二

眠去柳。教春著意憐。鶯雖喚。於彼何有焉。

其三

去柳。酣春暖碧烟。春將別。還使小腰牽。

秋佳軒詩餘卷十二

金陵易震吉月槎著

濮水南洙源岸覺點

秦淮竹枝

一

可怪秦淮離莫愁。三山門隔那湖頭。何時通作
一條水。細聽佳人發妙謳。

二

郎今讌客碧流中。知難自飲定邀紅。看郎相對
如何狀。可惱舟師逐快風。

三

文德橋頭賣藕郎。船燈映藕白如霜。百錢買得
供佳客。荷葉包來一段香。

四

人是嬌花真個身。花寫人兒一片神。人與花臨
淮水上。看花何似去看人。

五

新出一鱗錢一千。銀絲荻笋縷筵前。黃梅爛熟
枝間墮。醉向溪齋聽雨眠。

六

不是當年唱後庭。飛來崑調酒船停。嬌喉知有
如花面。其奈船開不得聽。

七

君去浮槎夜不還。挑燈妾未放燈閒。天教急雨

秋風輕暖。正
撓歌管。敗盡遊情。獨樹灣。

八

鴨頭不綠。于淮流。衰柳猶思惹客舟。秋冷無鶯聲。却囀。元來舟內有人謳。

九

月子彎彎四句兒。看來絕妙竹枝詞。鎮淮橋上聽他唱。一派蘇船趁月移。

十

莫是桃花染性情。無紅對酒醉難成。琵琶現撥清流上。携手登舟恰二更。

十一

關干夾岸走紅雲。茉莉花簪晚髻芬。翠袂不須遮粉臆。薰風還要揭羅裙。

十二

猶矚鞋弓碧樹丫。因昨端節往娘家。而今女伴河堤去。也要同他摘藕花。

十三

柳烟低處燕飛雙。山映簾櫳。水映窗。偶見扶人
橋上過。想因賒盡阿姬缸。

十四

芳園四月摘玫瑰。扇墜和成買一枚。更有甜香
流入齒。紅薰萼。芭泛茶杯。

十五

一堤花接一堤花。踏盡應投賣酒家。醉後與姬

私作語。多情蕉葉把身遮。

十六

柳花溪閣閣虛檐。痛煮河豚剝筍尖。十五女郎羞見客。船過避入水晶簾。

十七

數聲簫裏斷人腸。腸斷依然不見娘。隔岸月光寒一片。梅花窻外細傳香。

十八

金陵春色正來時。樓開十四縱春卮。不知第幾樓中勝。去聽佳人唱竹枝。

十九

十二樓來又十三。如何十四許多般。是樓都要春迷住。春到金陵苦未閒。

二十

雨花臺上一歌呼。三月初三百草鋪。柔碧趁人眠。酩酊春衣得不付當壚。

二十一

昨日河橋去別夫。今朝鴛鳥遂看奴。水邊藕葉殊堪羨。院內梨花拔却無。

二十二

龍舟曲曲鼓聲撾。驚破紅榴岸上花。選釀還推三白最。六畧一束幾回賒。

二十三

女兒元自出門難。花發東隣約去看。新繡鳳尖

今日試偷行。只把父娘瞞。

二十四

論茶色味與香神。近數松蘿製法新。三月初頭望徽賈。小罌能貯幾多春。

二十五

博得徽州茗葉遲。又將無錫惠泉思。不然劣井將茶潤。所以先捐市水資。

二十六

茗椀春來鬪未曾。須看蟹眼甚時凝。商量活火
湯爲上。此候能諳半屬僧。

二十七

燈船百隻鬧河橋。不數龍船闖怒潮。此是江南
嘗粽日。兒童都道賞元宵。

二十八

吳風畢竟少乖淳。試看城中履和巾。一歲不知
更制幾。猶然着履戴巾人。

二十九

點綴風亭菡萏缸。溪萍綠漲鴨兒雙。玉人傍午
梳頭罷。素手輕推閣上窗。

三十

烏衣猶自駐斜陽。巷裏人家可姓王。墨士卜居
多住此。蕉深桃葉渡頭房。

三十一

白下尋花美少年。春聲只是哭花前。花遇東風

多出嫁。未知嫁去落誰邊。

三十二

落日秦淮渡口斜。春風無日不飛花。花飛只管隨流水。流水何嘗是你家。

三十三

山色青橫聚寶門。春風花氣軟羅襖。長江瀉下葡萄綠。付與登山醉客吞。

三十四

鍾阜霞蒸。日暮時。映人都作紫鬚眉。兒童只當
成酣醉。拍手攔街唱竹枝。

三十五

五月五日榴花天。淮流畫舫密如烟。今年郭外
搖雙槳。赤石磯頭一醉眠。

三十六

近水人家面面窗。錦鱗紅躍藕花缸。試聽舟子
爲吳語。絕勝青陽唱曲腔。

三十七

妾身何不化爲萍。萍水相逢亦有情。自嫁蕭郎
生別後。春風雨度語流鶯。

三十八

何主何賓總忘懷。滿船新爽泛秦淮。相携一點
臨秋水。雲惹西風墜下釵。

三十九

若無月興與風情。辜負江南過此生。試唱竹枝

淮上去。阿誰屬和兩三聲。

四十

一葉開時葉葉開。此杯剛盡次杯催。坐間要看
鴛鴦鳥。泊處須尋藕葉隈。

四十一

三條絃子掛真兒。淮水生時樂不疲。燕掠桃花
帶紅去。春風又促未開枝。

四十二

茗社無過一兩朋。結來有個瓦官僧。佳壺戰罷
持相看。昨日街頭買義興。

四十三

鍾阜遙橫曉色開。遊人都作黛眉猜。若非淮水
時相照。美女何堪失鏡臺。

四十四

美人粧次亂楊花。知是春風別水涯。昨日小荷
今日大。鴛鴦偷覷欲爲家。

四十五

咏水仙花

仙人何復有仙花。安知花不是人耶。絲毫未染紅裙氣。合教人護水仙芽。

四十六

勸郎莫去泛秦淮。勸郎莫惹紅繡鞋。共郎坐看秦淮水。爲郎沽酒拔金釵。

四十七

不癯不俗一餐兼。肉煮山厨筍汁甜。寒月也來

江右籜何如。白下此春尖。

四十八

紛紛茶肆近時開。活活河流帶雨來。瓜子喫殘
盈地殼。晚風牆角掃成堆。

四十九

咏七姊妹花七花各具一色

非風不嫁一春花。三月東風尚有些。七姊妹開
三月去。年年薄命守寒家。

五十 前題

七少如何沒有夫。得無俱是牡丹奴。塗紅抹白
相誇鬪。勒住春光不許枯。

五十一

爲何只唱竹枝詞。歎棄生來似竹枝。瘦綠過煩
叢葉護。青春難得習游絲。

五十二

護竹編籬法太嚴。癡娘真個令人嫌。石頭壓筍
焉能出。只到春來迸碧尖。

五十三

不比花枝與柳枝。人間折取手中持。縱然與可
能圖寫。終屬千秋一影兒。

五十四

小舟風裏竟無帆。小伎尊前絕不饒。最愛秦淮
秋月下。素衫明白似紅衫。

五十五

鯽魚尺許便爲長。玄武湖中一倍量。試剪素鱗

調晚筍。渾身猶帶藕花香。

五十六

甜櫻四月摘來饒。盤底朱光琥珀搖。前有黃鶯
不時啄。染他春嘴十分嬌。

五十七

不與人知話夜窻。可能瞞得這銀缸。長橋此際
明如晝。携手花陰去聽龍。
長橋教坊司中

五十八

六十九

郎今河裏泛春航。暫別如何似久長。斜倚曲闌
凝目盼。千航過盡未逢郎。

七十

嬌顏十五妬紅蓮。蓮葉朝擎露水鮮。風擎瓊珠
分兩處。定教纖指撥成圓。

七十一

堪憐風柳弄嬌鶯。朱喙金衣倍有情。尚小青梅

難戲打被奴歌管一聲驚。

七十二

花片閒來數幾多。游絲不肯繫春何。踏青闌草
渾如夢。借問端陽有信麼。

七十三

滿溪空有壓枝花。獨立蒼茫日影斜。風月要尋
工部講。今宵多在四娘家。

七十四

漫道詩翁半世愁。四娘家裏駐愁不。春缸吸盡
眠淮上。夜聽笙歌簇水樓。

七十五

朱元介少宰有小桃源曾作急板歌

急板歌兒到處喧。作歌人在小桃源。只今拍手
村童輩也道南京朱狀元。

七十六

燕兒遮莫叙寒暄。叙得春愁已出軒。愁去併將
憂帶去。滿庭金色漸開萱。

七十七

溪女溪花一樣紅。春來淮上趣無窮。枝頭已見
斜吹去。好囑輕嬌快避風。

七十八

此身飲罷似無歸。問水亭前對夕暉。旁有矮牆
深便蝶。投花不用又高飛。

七十九

咏睡蝶

尋着芳花意始寧。午餘一睡次朝醒。枝頭見有

黃鶯立便喚昏迷總不聽。

八十

度曲何人畫檻中。吳腔婉轉正春風。口脂噴出
香成霧。結就桃花一簇紅。

八十一

帶恨眉兒那用描。香肩架不起冰綃。河流容易
飄春去。紅了山丹綠了蕉。

八十二

河畔絲絲楊柳生。爲何綰不住郎情。關山馬上如迴顧。帶妾離魂一路行。

八十三

秦淮十里管簫中。人面荷花相映紅。鍾嶺漸收明月去。畫船猶亂畫橋東。

八十四

遊人到此愛秋波。波亦隨槎迅似梭。金索雕檐拖一縷。可憐終日繫鸚哥。

八十五

有個人兒却姓盧。芳魂渺渺碧波湖。只今柳岸
鶯簧奏。得似當年扇底無。

八十六

楊柳風疎古白門。稚菱盤剝薦芳樽。相看不忍
成輕嚼。畱取春纖指甲痕。

八十七

酒杯相款曲房秋。墜葉敲門不解愁。櫻口忽吹

銀燭滅。要將纖趾印蟾鉤。

八十八

千呼萬喚始同遊。肯令琵琶上別舟。看指雙雙白鷗鳥。愛他宿在蓼花洲。

八十九

古堤桃葉暫維槎。堤上青旗賣酒家。聞有女兒相笑問。爲何桃葉不桃花。

九十

不見桓王兩個人。如今邀笛步猶存。淮流一派
傳清響。縱有笙歌攪不渾。

九十一

晚髻雲鬆茉莉新。醉眸貪看水邊人。荷盤三兩
真珠顆。畱待明朝和粉勻。

九十二

千朵萬朵壓枝奢。至今猶說四娘家。風流一種
娛人意。只有庭前夜冷花。

九十三

丹桂今年滿樹開。蟾宮君步更何猜。步時莫把
嫦娥愛。他在天邊不下來。

九十四

蓮歌閒倚曲闌開。習習風吹兩鬢雲。近日幾曾
耽俊句。腰肢拴不住湘裙。

九十五

淮水澄秋一味空。醉霜葉葉鴈來紅。秋詩可入

無輕剪。留待君來作料供。

九十六

秋心兩字不分開。此字何人造作哉。待我拈毫
塗重墨。眼中不見意中來。

九十七

飛蛾撲滅我燈花。黑坐紗窻可歎嗟。何事物情
同你薄。併教孤影此宵遮。

九十八

熙載門庭尚在麼。家姬日日事高歌。思將慘粉
塗人跡。苔蘚春痕一徑多。

九十九

白鷺洲前楊柳花。花偕飛鳥色無差。就中有個
行春者。一點嬌紅略着些。

一百

可從天付此風情。妾住清江傍石城。弄月酣花
無厭足。歌聲中雜水禽聲。

一百一

秦淮有水映人眸。秦淮有花插人頭。插花照水
明于鏡。貪看其中忘却愁。

二

水把秦淮喚未休。得無此水姓秦不。臨流戲擬
從人問。花底潛來一俊遊。

三

木固秦來樓亦繁。名兒何得巧相因。波光似欲

浮樓去。莫帶樓頭看水人。

四

淮上春風賣酒時。插花走馬醉千卮。輕粧傍晚
重開鏡。樓角新蟾學翠眉。

五

春郊苔上試弓鞋。逢着才郎意不乖。倘肯相過
喫新茗。妾家住在古秦淮。

六

水邊楓樹錦鱗鱗。霜色朝來一倍新。小葉拾將
教妾愛。深宮曾爲作媒人。

七

有葉如何沒有詩。拈毫也自細思之。摹他一絕
諧其事。又怕同行姊妹知。

八

嬌歌急管簇燈前。家住秦淮水那邊。風細玉肌
驚袖薄。鍾山月吐四更天。

九

竹枝斜刺水邊房。八月悲風九月霜。大抵秋容多帶瘦。葦條和菊一般黃。

十

春城月出醉人多。絃子三條弄素娥。說唱踏莎伴不采。新來重理竹枝歌。

十一

以下十首咏月月紅花

老去春光實可憐。爲何十二月皆妍。知他不是

貧家女。時買胭脂贖有錢。

十二

可是人間命薄殊。不然何以色偏殊。他年十二
釵中見。合把長春兩字呼。

十三

十二三旬一歲過。東君管領亦無多。誰知濃萼
延春意。寄語東君想笑麼。

十四

衆美雖然着色新。是誰能弄四時春。阿紅贏得嬌腮頰。不嫁商家作婦人。

十五

地久天長誓不寒。濃朱矜色翠雲攢。東山佳妓年年少。時坐金屏醉謝安。

十六

是誰呼我作紅兒。逐月教郎去買脂。水凍天寒猶細染。芳心何處着相思。

十七

醉臉分明日日紅。看花月月興無窮。也知飲趣
花能解。伴我時常醉坐中。

十八

綵雲常散脆琉璃。不是崔家婢女姿。自侍鶯鶯
呼喚後。幾曾辜負好名兒。

十九

紅裙紅袖一身紅。色澤淪將點翠叢。暗想濃粧

亦時罷愛伊無月不春風。

二十

汝比群芳分外妍。吾因紅飲計鍾千。而今月月能如此。滿擬開缸醉一年。

二十一

俞光祿容自爰爰園

爰爰園內踏青鞋。景屬詩人意趣排。抱石清流凡幾折。相看合喚小秦淮。

二十二

花發長干一路春。馬蹄踏盡不飛塵。珊瑚鞭墜響
過金鐙。因見壚頭壓酒人。

二十三

如林銀蠟映波紅。畫舫薰然五月風。千丈夜霞
明不徹。教人沉醉水晶宮。

二十四

東風未肯引郎心。引得郎心今夜臨。縱使明朝
花不放。窻中春意已深深。

二十五

春來一雨滯江城。遍地青青踏不成。何事夢中
飛片雨。朦朧却教霎時晴。

二十六

踏月昨宵着素綾。衣和月色一般澄。那人相值
渾難辨。可笑移時兩目凝。

二十七

春風何故到房門。要揭紅香下體禪。如此便畱

風小住。只愁風不解成婚。

二十八

君詩白下已傳喧。妾愛君詩口不言。今擬挑燈烹茗待君相賞晚風軒。

二十九

淮上何嘗去拉春。春來簾底幾回巡。梨花可恨如昨歲。不必偵探惹妾嗔。

三十

客從山水寄情深。詩到金陵刻意吟。便只淮流
迴合處。幾人能識此清音。